

李白的酒诗句大全

1.
陶公有逸兴，不与常人俱。筑台像半月，回向高城隅。置酒望白云，商飙起寒梧。秋山入远海，桑柘罗平芜。水色绿且明，令人思镜湖。终当过江去，爱此暂踟蹰。——《登单父陶少府半月台》

2.
松子栖金华，安期入蓬海。此人古之仙，羽化竟何在。浮生速流电，倏忽变光彩。天地无凋换，容颜有迁改。对酒不肯饮，含情欲谁待。——《对酒行》

3.
南湖秋水夜无烟，耐可乘流直上天。且就洞庭赊月色，将船买酒白云边。——《游洞庭湖五首·其二》

4.
兰陵美酒郁金香，玉碗盛来琥珀光。但使主人能醉客，不知何处是他乡。——《客中行》

5.
葡萄酒，金叵罗，吴姬十五细马驮。青黛画眉红锦靴，道字不正娇唱歌。玳瑁筵中怀里醉，芙蓉帐底奈君何。——《对酒》

6.
处世若大梦，胡为劳其生？所以终日醉，颓然卧前楹。觉来眄庭前，一鸟花间鸣。借问此何时？春风语流莺。感之欲叹息，对酒还自倾。浩歌待明月，曲尽已忘情。——《春日醉起言志》

7.

划却君山好，平铺湘水流。巴陵无限酒，醉杀洞庭秋。——《陪侍郎叔游洞庭醉后·其三》

8.
玉壶系青丝，沽酒来何迟。山花向我笑，正好衔杯时。晚酌东窗下，流莺复在兹。春风与醉客，今日乃相宜。——《待酒不至》

9.
我来竟何事，高卧沙丘城。城边有古树，日夕连秋声。鲁酒不可醉，齐歌空复情。思君若汶水，浩荡寄南征。——《沙丘城下寄杜甫》

10.
君歌杨叛儿，妾劝新丰酒。何许最关人，乌啼白门柳。乌啼隐杨花，君醉留妾家。博山炉中沉香火，双烟一气凌紫霞。——《杨叛儿》

11.
楼观岳阳尽，川迥洞庭开。雁引愁心去，山衔好月来。云间连下榻，天上接行杯。醉后凉风起，吹人舞袖回。——《与夏十二登岳阳楼》

12.
地白风色寒，雪花大如手。笑杀陶渊明，不饮杯中酒。浪抚一张琴，虚栽五株柳。空负头上巾，吾于尔何有。——《嘲王历阳不肯饮酒》

13.对酒不觉暝，落花盈我衣。醉起步溪月，鸟还人亦稀。——《自遣》

14.
三月咸阳城，千花昼如锦。谁能春独愁，对此径须饮。穷通与修短，造化夙所稟。一樽齐死生，万事固难审。醉後失天地，兀然就孤枕。不知有吾身，此乐最为甚。——《月下独酌·其三》

15.
我似鸕鹚鸟，南迁懒北飞；时寻汉阳令，取醉月中归。——《醉题王汉阳厅》

16.

披君貂襜褕，对君白玉壶。雪花酒上灭，顿觉夜寒无。客有桂阳至，能吟山鹧鸪。清风动窗竹，越鸟起相呼。持此足为乐，何烦笙与竽。——《秋浦清溪雪夜对酒，客有唱山鹧鸪者》

17.

两人对酌山花开，一杯一杯复一杯。我醉欲眠卿且去，明朝有意抱琴来。——《山中与幽人对酌》

18.

今日云景好，水绿秋山明。携壶酌流霞，攀菊泛寒荣。地远松石古，风扬弦管清。窥觞照欢颜，独笑还自倾。落帽醉山月，空歌怀友生。——《九日》

19.

风吹柳花满店香，吴姬压酒唤客尝。金陵子弟来相送，欲行不行各尽觞。请君试问东流水，别意与之谁短长。——《金陵酒肆留别》

20.

九日龙山饮，黄花笑逐臣；醉看风落帽，舞爱月留人。——《九日龙山饮》

21.

昨日东楼醉，还应倒接蓑；阿谁扶上马，不省下楼时。——《鲁中都东楼醉起作》

22.

南湖秋水夜无烟，耐可乘流直上天。且就洞庭赊月色，将船买酒白云边。——《游洞庭湖》

本文链接：<https://duanjuziku.com/duanjuzi/0c2fmg6x8r.html>